



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

Capvt XXI.

urn:nbn:de:hbz:466:1-15617

batur, quam diffesse inter se habeantur, qui legit satis intelligit, & quam diversæ à sacris canonibus & quam discrepantes in quibusdam ab ecclesiasticis judiciis habeantur. Infrā: De istis sententiis plena est terra, scilicet & de libro collectarum epistolarum ab Isidoro, quem de Hispania allatum Riculfus Moguntinus Episcopus in hujuscemodi sicut & in Capitulis regis studiosus obtinuit, & istas regiones ex illo repleti fecit.

X. Quid autem de veterum Pontificum epistolis ipse sentiret, apertissimè ostendit eodem loco; tametsi scribere non audeat eas esse suppositicias. Docet enim ex Innocentij, Leonis, & Gelasij receiptis decretis accuratè servanda esse ea quæ in canonibus Conciliorum præscribuntur; à quibus tamen discederetur, si varia capita controversis illis epistolis comprehensa servarentur qua sunt adversa canonibus; qui posteriores cùm sint iis epistolis, illis utpote prioribus derogare censendi sunt. Vnde tandem orationem suam hac definitione concludit, honorem quidem iis epistolis deberi ob dignitatem auctorum quorum nomina præferunt, sed Concilia fervanda, quorum decreta universalis Ecclesia & sedes apostolica custodit. In hac discretione, inquit, ut premissi ex verbis Gelasij, suscipe ad instructionem illas epistolas quas beatissimi Pape diversis temporibus ab urbe Roma pro diversorum patrum consolatione dederunt, legendas, venerabiliter; & serva sacra Concilia, que sedes apostolica & omnis sequitur Ecclesia, inviolabilitate.

XI. At licet in libris Capitularium descripta fuerint Capitula Hadriani, tamen in eisdem scriptus quoque est canon quintus Sardicensis, ut vim legis in regno obtineat quoad negotia ecclesiastica; cōque solo utebatur Ecclesia Gallicana, ut testatur Hincmarus. Hæc sunt verba Capitularium. *Vt iudicatus Episcopus ad apostolicam fidem, si voluerit, appelletur. Ex Concilio Sardicensi Titulo quinto. Quod si appellaverit, in cathedra ipsius alter non ordinetur.* quæ verba transcripta sunt è Breviario Ferrandi Diaconit. l. ix. & l. x. In eisdem Capitularibus descripta est pars illa epistolæ Leonis primi ad Episcopos Mauritaniae Cæsariensis, qua eorum iudicio committit causam Lupicini Episcopi. In universum autem reliqua capitula sic accipienda sunt ut istis nequaquam derogeretur; quemadmodum probavimus ex Hincmaro. Is autem nomine Caroli Calvi Imperatoris scribens ad Ioannem octavum Pontificem Romanum, quinam sit canonum Sardicensium sensus aperit in capite undecimo illius epistolæ; cuius verba suprâ relata sunt in hoc libro. Tum capite xix. docet eam fuisse praxim sui seculi, eamque semper ob-

servatam fuisse in hoc regno. Hec itaque transalpinis Ecclesiis, inquit, carumque rectoribus dæce apostolica de appellatione Episcoporum ad fidem apostolicam ante longissime etatis annos usque ad nostra tempora servata & à decessoribus ac predecessoribus eorum secuta & executâ fuerunt. Quod eò facilius is creder qui observaverit canones Nicænos, Antiochenos, & Sardicenses fuisse descriptos in codice canonum quo Ecclesia Romana utebatur a Caroli magni, quem Hadrianus primus misit ad hunc Principem. In epistola vero quæ præfixa est huic codici Hadrianus Carolum hortatur ad observationem horum canonum. *A lege nunquam discede, inquit, hec observans statuta.* Vnde Leo quartus scribit Episcopos judicari secundum regulas à canonibus præscriptas.

CAPVT XXI.

Synopsis.

I. Gregorius quartus causus Episcoporum audiuit à Primate Diœceœos: sed iudicium tamen peragi prohibet; quod sibi reservat, vel Legatis in provinciam mitendis.

II. Leo quartus statuit Episcopum damnari non posse nisi à duodecim, nisi si Papam appellaverit. Quo casu nemo potest sententiam pronuntiare adversus eum.

III. Ha constitutiones contraria erant canonibus. Ostenditur autem in quo adversarentur canonibus.

IV. In Gallia tamen Episcopi deponebantur in synodo provinciali, non invitis Pontificibus Romanis.

V. Probatur ex Nicolao primo, qui ait fidem apostolicam eum habere debere pro damnato qui iudicio Episcoporum fuerat damnatus. At si defectus appellaverit apostolicam fidem, tum recipi eum posse in communionem, postquam causa fuerit examinata in synodo. Referuntur verba Nicolai.

VI. Agnovit Nicolaus inesse synodis provincialium legitimam auctoritatem ad deponendos Episcopos, neque necessariam esse delegationem Summi Pontificis. Probatur ex epistolo ejus ad Salomonem Regem Britonum.

VII. In Concilio Triburienœ statutum est ut Episcopus non nisi à duodecim Episcopis deponiatur, nempe in synodo provinciali.

I. REGORIUS dein quartus infringere conatus est auctoritatem canonum Sardicensium anno Dcccxxxv. & iudiciorum ordinem præscribere quoad Episcopos, arrepta occasione quadam opportunissima. Aldricus Cenomanensis Episcopus ad eum provocaverat ante sententiam Episcoporum provincialium, qui neque litis instructione neque iudicio supersedere volebant. Precipit itaque Gregorius Pontifex ut causa ejus audiatur à Primate Diœceœos; sed iudicium tamen peragi prohibet; quod sibi reservat,

& Imperij Lib. VII. Cap. XXI. 357

vel Legatis suis in provinciam mittendis. Constitutio autem hæc versa fuit à Gregorio in legem generalem, scripta videlicet epistola ad Episcopos Galliæ, Germaniæ, & Europa, quæ extat integra in secundo tomo Conciliorum Galliæ; ejus autem excerpta extant apud Ivonem in Decreto & apud Gratianum 2. q. 6. Hæc sunt verba Gregorij: *Liceat illi post auditionem Primum Diocesos, si necesse fuerit, nos appellare, & nostra auctoritate, aut ante nos, aut ante Legatos nostro ex latere missos, juxta patrum decreta suas exercere atque finire actiones; nullusque illum ante hec judicer, aut judicare presumat.*

I I. Eam constitutionem imitatus est Leo quartus anno DCCCXLIX, ad Episcopos Britannia scribens. At enim Episcopum damnari non posse nisi à duodecim Episcopis: nisi si Papam appellaverit. quo casu nemo potest sententiam pronuntiare adversus eum. *Si Episcopus, inquit, suam causam in presentia Romane sedis Episcopi petierit audiiri, nullus super illum finitivam presumat dare sententiam; sed omnino cum audiiri decernimus.* Refertur hic locus à Gratiano 2. q. 4. cap. Nullam. Epistola vero extat integra in tomo tertio Conciliorum Galliæ.

III. Hæc duæ constitutiones Gregorij & Leonis quarti contraria erant canonibus in duobus capitibus. Tum ex eo quod jubent ut si Episcopus accusatus appelleret à synodo provincie ante judicium, vel si primam causæ suæ cognitionem à Romano Pontifice suscipi posset, litis instruptione supersedeatur, donec Papa statuerit quid sequendum sit. Tum etiam ex eo quod arbitrio ejus reservant an Episcopus in urbe Roma judicandus sit, an vero dimittendus in provinciam, illuc judicandus coram Legatis apostolicæ sedis. Quod sumptum est ex more usurpatum à Gregorio magno, qui tamen Gallias & Africam distinguebat ab aliis provinciis, & cum eis diverlo prorsus modo se gerebat quam cum aliis.

I V. Galli tamen ea tempestate contraria Gregorio quarto & Leoni quarto usurabant quoad jus appellationum. Nam quoad primam causæ cognitionem dubium non erat quin Episcopi ad synodum à Principe evocati possent deponere Episcopum. Quin & ipsi quoque Pontifices novarum quas diximus constitutionum auctores, aut eorum successores, nunquam contradixerunt, huic auctoritati; tametsi jam tum vulgata essent Hadriani primi Capitula & apocryphae Pontificum Romanorum epistolæ ab Isidoro Mercatore collectæ. Sanè res ista probari potest ex adductis Gregorij quarti & Leonis

quarti constitutionibus, qui ei Episcoporum auctoritati non derogant nisi in casu appellationis. Sed præterea id ipsum probari potest ex duabus locis Nicolai primi valde illustris.

V. Primus petitur ex causa Ebbonis Archiepiscopi Remensis. Anno DCCCXXXV. Ludovicus Pius Imperator synodum apud Theodosi-villam convocavit, cui interfuerer octo Archiepiscopi & Episcopi triginta quinque; in qua Ebbo dejectus est. Quippe crimen suum confessus fuerat, partes nimurum Lotharij fecutum se esse adversus Ludovicum patrem, istum vero exauctiorasse prætextu penitentiae publicæ. Cum autem is post dejectionem suam Romam profectus esset, à Sergio in communionem receptus non est. Vnde Nicolaus sumit occasionem scribendi sedem apostolicam eum habere debere pro damnato qui judicio Episcoporum fuerat damnatus, juxta constitutum canonis quinti Nicæni, quem laudat. At si dejectus appellaverit apostolicam sedem, tum recipi eum posse in communionem Ecclesiæ, postquam causa fuerit examinata in synodo. Vnde colligitur appellatione ad apostolicam sedem suspensum non fuisse effectum sententia à primis judicibus late, quoad depositionem nimurum & privationem communionis episcopalis, tametsi suspenderetur quoad ordinationem alterius Episcopi in loco dejecti. Magni autem momenti sunt verba Nicolai, quæ sic habent in epistola ejus ad synodum Sueffionensem: *Porro si quispiam sedem apostolicam per Ser-gium sancte memorie Papam Ebonem quoniam Archiepiscopum indignum clericali communione sanxisse perhibet, noverit quoniam talem sedes apostolica debuit Ebonem, donec synodali ejus examine causa discuteretur, habere qualem ab aliis habitum non ignorabat. Infrā: Donec igitur auctoritate sua super hujuscemodi pusilli- nimitate aut contentione aut alio quolibet vitio examinatio vel dijudicatio proveniret, apostolica sedes nihil agere debuit nisi quod egit, videlicet ut ab aliis abjectum ipsa nequaquam indis- cusse suscipiat; precipue cum predictus Ebbo, non quasi pro depositione sua queritans, vel le- gitime restituvi volens examine precedente, se- dem apostolicam appellaverit, ----- à qua, jam reprobatus ab aliis, merito debuit reproba- ri, donec supplex ab eo sese canonice posceret ad- juvari.*

VI. Secundum caput quod ex epistolis Nicolai primi colligitur, hoc est, agnoscere illum inesse synodis provinciarum legitimam auctoritatem ad deponendos Episcopos, neque necessariam esse delegationem Summi Pontificis. quod colligitur ex epistola ejus

Y iij

ad Salomonem Regem Britonum scripta. Monet ergo Regem illum depositionem Episcoporum illius provinciae, qui se simoniacos esse confessi erant, & ob hoc ipsum ab aliis Episcopis jubente Salomone depositi fuerant, validam non esse, quod à duodecim Episcopis peracta non esset, ac præterea quod ei peragendæ defuissest Metropolitanus. Addit verò Leonem quartum & Benedictum tertium predecessores suos nihil aliud exegisse, ad hoc ut judicium adversus Episcopos Britonum rectum esset & legitimum, quam ut duodecim Episcopi adessent in synodo: *Quorum vestigia & ego quoque secutus, eadem censui, imo & censio, nec ullam posse Episcopos sui honoris suscipere jacturam quos non constat fuisse à duodecim Episcopis, præsente primamque sententiam Metropolitanum Episcopo obtinente, cum examinarentur, auditos.* Verum ea quæ sequuntur, magis urgent. Regi enim imperat ut Metropolitanum Turonensem conveniat, ejusque judicium expertat, ac propterea ad synodum mittat Episcopos Britonum, qui sunt Ecclesiæ Turonenlis suffraganei. Quo casu, nimirum postquam accusati fuerint examinati coram Metropolitanis & integro numero collegarum, id est, duodecim Episcoporum celebrato conventu, & ipsi legitime deponi poterunt, & alij Episcopi in eorum loco ordinari. Quia tamen intelligebat agrè consensurum Salomonem ut Episcopi accusati Cæsarodunum Turonum mitterentur, quod is eum Metropolitanum Britannæ præesse nollet, Romanum iter aperit, ubi causam ait definitum iri postquam iij auditii fuerint quorum interest. Hanc autem Nicolai epistolam in Decreto suo transcripsit Gratianus 3. q. 6. cap. *Hac quippe.*

VII. Germanos quoque ipsos incessit cupidio retinendi vetustam consuetudinem deponendi Episcopos in suis synodis, ita tamen ut à duodecim Episcopis judicarentur; ut constat ex canone decimo Concilij Triburiensis, quod anno DCCCXCV. habitum est: *Statutum est in hac sancta & universali synodo ut nullus Episcopus deponatur nisi à duodecim Episcopis.*

C A P V T X X I I .

Synopsis.

I. Episcopi Gallicani contendebant supersedendum non esse depositione, tametsi appellatio interposita esset ante judicium.

II. Hec Gallicanorum regula probatur ex controversia quæ inter eos & Hadrianum secundum exarbitur in causa Hincmarii Episcopi Laudunensis, qui ante

judicium appellavit Summum Pontificem, petiisque supersederi judicio. Notatur auctor Tractatus De delicto communi.

III. Id unum contendebat Hadrianus, judicandam esse appellationem parte utraque audita. Nihil verò aliud prohibet quam ne quis pendente appellatione ordinetur in loco dejicit.

IV. Synodus Duziacensis ad Hadrianum referens se tuctus auctoritate canonum Sardicensium.

V. Si causam retrahendi jubeat Pontifex, existimabant Galli eam retrahendi debere in provincia. cuius regulæ adharet Hadrianus.

VI. Magni momenti est hec Hadriani adhesio. Quippe canonum Sardicensium & Africanorum auctoritatem inviolatam preservat; ac præterea duas illas Gallorum regulas, supra propositas, certas esse evincit. Referuntur ipsa Hadriani verba ex epistola ad Carolum Calvum.

VII. Sergius Papa causam Ebonis Archiepiscopi Remensis retrahendi jussit in provincia coram Legatis sedis apostolica. Probatur ex epistola synodi Tri cassina ad Nicolam primum.

VIII. Viraque Gallorum regula probatur etiam auctoritate Hincmari in epistola ad eundem Nicolaum.

I. ECCLESIA Gallicana robustè libertatem suam illa ætate retinuit quoad caput appellationum. Primum enim contendebant Episcopi Gallicani appellationem interpositam ante judicium ab Episcopis provinciae latum non esse ejus momenti ut interim supersedendum foret instructione litis aut pronuntiatione sententie, & per consequentiam, privatione communioonis episcopalnis, tametsi alterius Episcopi ordinatione supercederetur.

II. Hanc eorum fuisse regulam discimus ex controversia quæ inter Hadrianum secundum & Episcopos Gallicanos exarbitur in causa Hincmarii Episcopi Laudunensis. Depositus est fuit in Concilio Duziacensi decem provinciarum anno DCCCXXI. tametsi ante judicium appellasset Summum Pontificem, petiisseque ut interim supersederetur judicio. Ea porro Episcopis illis mens non erat ut appellationis prosecutiōnem prohibere voluerint, quemadmodum existimat qui Tractatum scripsit De delicto communi; sed depositionem judicare volebant pendente appellatione. Sanè acta aiunt: *Salvo in omnibus judicio sedis apostolice.* Hadrianus verò eis exprobrat hanc præcipitationem, contenditque supersederi debuisse instructione litis post appellationem. Depositionem præterea confirmaturum se negat, donec Hincmarum Laudunensem & accusatorem ejus audiverit in plena synodo; in presentia nostra, inquit, & totius sedis Romane synodali collegio. Hæc sunt ejus verba in epistola XXVII. quæ data est ad Episcopos synodi Duziacensis: *Tamen, scis ipsius Concilij actionibus legitur, quoniam salvo in omni-*